


曹州府志

第十冊

卷十九

藝文志詩



曹州府志卷之十九

藝文志 賦 詩

製賜宗人府丞劉藻詩

乞歸非獨往教孝有常經沂水風猶昔齊山不斷青樓遲安梓里  
俯仰樂護庭災後民何若詳陳疾苦形

右

編製詩一首乃乾隆十三年二月

與東巡劉藻迎

駕至德州

恩賜之作也時藻以終養在荷澤本籍例宜編入郡志謹繕錄冠藝

曹州府志 卷之十九 詩

文之首仰見

天章炳煥吐詞為經含孕羣言非前代藝文所能嫻

高深於萬一誠千載風雅之模範矣其自漢唐以來詩賦古文畧詮

次之以類區分並附於後

賦

子擊磬賦

唐 薛勝之

大哉將聖樂天知命憲章文武昭宣孝敬遊道義之門觀魯衛  
之政知禮文之述作繫王道之衰盛將有托於知音故先擊其  
浮磬翕如始奏泠然激揚旁達草木獨調宮商律中乃節而信  
清引而越以長何一氣之立則若五色而成章羽可以振



可以踴躍神人以和捨此奚取樂懸之位斯焉是將諧協於國  
風本一於心始將此易俗非爲悅已作於朝而君臣同和聽於  
家而少長咸喜不達情者莫究其理不賞音者莫知其旨非有  
爲而作焉豈苟樂而爲爾噫斯道之行如磬之聲合以制度發  
不由此而發明謂爲藝以吾不試語之道而知吾志固非繫而  
不食豈止垂之如墜曾見訪於萇弘反受嗤於荷蕢彼往而不  
返欲潔其身如樂之無節則可奪倫義有昧於反舌耳無間於  
日新何沒沒於隱者亦硜硜於小人必也審音居然大辨動應  
而溥暢虛中而獨善使石聲無定則我心可轉初未明乎施張  
曹州府志

卷之十九

賦

二

庸詎議乎深淺一雅一變正聲久遺子擊此者亦屢歎之唯聖  
有作闢教命夔乃知樂正雅頌復在於明時

北渚亭賦

朱冕補之

登爽鳩之故墟兮聯岱宗之獨立根磅礴而維坤兮支扶疎而  
走隰踰瑯琊與鉅野兮梁清濟而北出前淝漫而將屯兮後推  
唯其相襲坏者扈者嶧者垣者礪者礪者障魯屏齊曰惟歷山  
或肺腑之箕拱環連勢厓絕而脉泄兮萬源發於其間谷射沙  
出浸淫漶漶潏汨泌澎溇淖湍忽瀆起而成川經營一國其  
利汾滄防爲井沼壅爲確磴得平而肆乃澆漾而滂沛經民廬  
而貫府舍兮瀦爲池之千畝惟守之居面巖背阻邈閭闔之遺

址兮肇嘉名於北渚悲經始之幾何兮牛羊牧而宇顛非境勝  
之爲難兮善擇勝之爲難嘗試觀夫其園千章之荻合抱之楊  
立而成阡躋歷下之宕冀望南山之孱顏修幹古枝出欄造天  
祖袖之蔽虧乍彷彿其雲烟思仙人之樓居尙輕舉而高翻盍  
駕言其北遊登斯渚而盤桓岡巒忽其翔舞荻楊眇以如箸撫  
千里於一瞬收城郭以環堵其下陂湖汗漫葭蘆無畔菱荷荇  
藻蘩荃杜芡衆物居之浩若湮海歲秋八月草木始衰乃命督  
吾觀魚其雉鳴榔四合方舟順涯鱈鯉窘乎深塘兮鴻雁起乎  
中泚復有桂舫蘭棹浮游其中榜歌流唱自西徂東纖餌投隈  
微鱗挂空客顧而嬉傾孟倒鍾明月出於缺嶺夕陽眇其微紅

曹州府志

卷之十九

賦

三

天耿耿而益高夜寥寥其方中駭河漢之衝波披海岱之冷風  
恐此樂之難留兮願乘槎乎星渚其韓終與偓佺兮采芝英於  
瑤圃庶忘老而逸死兮路漫其修阻於是酒酣太息中座語客  
曰自昔太公奄有此邱是征五侯桓公用之攘楚尊周方其盛  
時山河十二號稱東秦臨淄遯遯樂中具五民秋田青邱實圍海  
濱而薛又小邑也區區之賦食三千人其強孰與比哉觀華不  
注竭其孤嶽虎牙築立芙蓉菡萏尙想三周追奔執鞬下車取  
飲僅以身免困責質于蕭同尙何思乎紀獻而齊自是不競矣  
夸奪勢窮雖強安在事以日遷而山不改則物之可樂固不可  
得而留也認而有之來不可持所玩無固去何必悲齊侯之所

雪涕而晏子之所竊嗤也今我與客論古人則知述寓有感而  
歔歔豈不重感也哉仕如行賈孰非逆旅託生理於四方固朝  
秦而暮楚曾無必於一笑尙何知乎千古於是乎客躍然喜再  
拜舉觴而前曰凡主人言理實易求而我曠然已忘昔憂使客  
常滿使酒不空請壽主人如漢孔公主人飄然喜受飲反釐執  
客之手而言曰詩固有之未見君子憂心忡忡旣見君子云胡  
不樂再拜洗觴而酬客嘻然大笑

黃河賦

明薛瑄

吾觀黃河之渾渾兮乃元氣之萃蒸澹洪源於西極兮注天派  
於滄瀛貫石土之龐博兮沓元溝之晶明過積石而左轉兮龍

曹州府志

卷之十九

賦

四

門呀而峻傾薄太華而東驚兮撼砥柱之崢嶸入大陸而北徙  
兮迷不辨夫九河之故形經兩海而紀中流兮擢浮沉之曜靈  
覽頽波而懷明德兮又何莫非妣氏之所經營登崑崙而俯視  
兮固彷彿其初迹馭高風而騁望兮遂周游其曲直何末流之  
混濁兮始清澈而湜湜羗澹濫而徐趨兮勢法法而自得觸險  
石以鬪暴兮詫雷轟而轂擊天宇擴其沈澹兮渺上下之元黃  
霧雨霏霏而瀚集兮混邃古之洪荒微風蕩拂而渙散兮天機  
組織其文章頽焱浩而洶湧兮百怪垂涎而簸揚腥雲濁浪以  
盪汨兮恍惚顛倒乎舟航靈曜升而黑照兮乘正色於中央望  
舒在御而下臨兮列宿涵泳其光芒若乃震乘符以行令兮百

谷淫淫其凍釋山澤沮汝以上氣兮增滉漾之洋溢魚龍乘濤  
以變化兮杳莫測其所極祝融載節以南屆兮雲雨奮達以霽  
滯潢支流而股合兮百川奔而來會木輪囷而漂拔兮蔽雲日  
而洶汰狂瀾洶其嚙岸兮塊土焉塞夫衝潰霜戒嚴而木脫兮  
少昊執鉅以司秋洲渚網漉而石出兮始殺湍而安流霰雪紛  
其四集兮顓頊乘坎以奮神大塊噫氣而歷軋兮流澌下而龍  
鱗層水橫絕而山委兮河伯驅石以梁津羌險夷而明晦兮變  
朝暮與四時颺風起而衝目兮濟怪駭其難推相圖方之一氣  
兮恒來往而密移昔尼父之歎逝兮跨百世而罕知顧川流之  
有本兮與終古以爲期啓龍圖而翫太乙兮悟主宰之所爲喟  
曹州府志

卷之十九 賦

五

余心之未純兮感妙道之如斯聊詞言以自明兮庶晝夜之靡  
虧

弔陳思王賦

蘇濂

總余轡之沃若兮眺顓頊之舊疆遵谿瀨而容與兮嘉禾穎於  
郊邛繁高臺之鬼鬼兮荆榛虧蔽而縱橫烏雀噪於廣原兮浮  
雲夢日而蒼茫詢虛落之黃耆兮云胡築此阜也曰子建之改  
封兮嘗野城之是守也賦元暢以表志兮聊假日以藏修富人  
斗而若虛兮秉圭璋以何求覽皇墳而太息兮悅年歲而未期  
求自試而罔獲兮慨干將之莫饒粵茲都之舜耕兮冀歲時而

憂壯生綸竿其奚適兮寧宗廟之犧牛中夜柝聲已平太兮

鼎立之是仇蘭芷摧而爲麤兮荃蕙腐而不芬棟梁損於中  
野兮雨露滋蕭艾而慙慙答教誣其豫設兮奚援筆之離羣媒  
丁揚之猷胎兮曹魏蹶而崩兮鳩鳩胡能以均養兮殊缺望於  
慶雲豐殮醴於囹圄兮知非其素志也誦詩人於胡顏兮思  
將爲所刺也假錐囊於陪隸兮拜明主之大賜也詠離騷於澤  
畔兮涕浪浪而如醉也騏驥長鳴於伯樂兮韓盧牽裾而悲號  
廢鹿鳴之賓筵兮感棠棣而忉忉黃鳥嚶嚶以出谷兮念友生  
而中勞痛蓼莪之罔極兮魂悄悄以黯銷塊然處於室廬兮情  
妻孥其誰告語展典籍而自愉兮高子臧於隆古拔劍舞於朱  
虛兮三監怨尤其自取梓田族於呂宗兮情憤懣而奚補欽志  
曹州府志

卷之十九 賦

六

士之遠節兮莫立酒而涕洟聞鄴都之決濟兮存一木以何支  
丕物化而磨滅兮行人惻惻於陳思溘聖狂於朝露兮諒不朽  
之在茲亂曰已矣哉銅爵沉於漳水兮書臺鬱而嵯峨秋蟲鳴  
於豆葉兮余重有感於畚中之歌

研硃賦

國朝 邵 擢

四象既分八卦定位其南曰離陽明爲義象方以色丹硃艷熾  
夫是物也帝王以之飾其官闕富貴超越非所揭也百官以之  
傳其文告簿書潦倒不足好也若夫澗人雅士藻思璀璨擗管  
濡毫貴其絢爛覽山緇水氣爽神醒展繚染繪形其丹青燃椒  
桂兮烹蘭湯琥珀濃兮酌流觴滴銀混兮和丹砂染鹿毛兮研

稠桑若寸錦之摛布於文几兮片霞之輝映於縹緗毛錐建其  
赤標兮銅瓦發其朱光則有中山兔毫北宮所頒楚聿燕弗不  
律是閑舍丹濡藻燦爛於犀象琉璃白牙碧鏤之間則有端溪  
精妙汾泥澄細蓮葉馬蹄郎官舊製杼紅流采照曜於金線青  
花蟾蜍鴟鴞之際於是布彤雲而卷舒含赤水之漣灩寫春上  
苑杏蕊若馨畫秋吳江楓葉自零堆懸崖於赤壁垂橘柚於洞  
庭或點染於凝光之紙若珊瑚之映清淵也或灑落於雲藍之  
箋若華星之陳碧天也若乃清吟朗誦心愉神悅染翰滴淋揮  
灑藻綴紅雨逐篇章而落火星隨句讀而列赭石的爍於松花  
赤瑕駁犖於玉屑丹彩曜羅舍之鳳以吞吐朱葩生江淹之筆  
曹州府志 卷之十九 賦  
而攬禎或映縹紅而一色或照彤管而難別紅葉隱韓姬之詩  
素帛訝楊璇之血若夫因物敷采舒流懿班孟嚼而丹篆噴  
盧丁抹而赤烏出屏黠曹興而當乍流螢扇汗桓溫而定成粹  
特是故載元載黃我朱孔陽光暗祖氏色豔仲將李超之文犀  
滅價冀公之松烟遜芳也真諦曰今書通用墨者何墨陰象也  
若乃色符赤燦是於陽用賞也釋名曰墨者晦也言似物默晦  
也若乃光曜燭龍是文明爲誨也夫何四譜之所未傳而諸賦  
之所未載也

西浦荷花賦

王孫延

邑之四面一望平川石田磽确野草芊芊但鴉鳴夫枯樹無魚

躍於曲泉重以渤海餘威臺名雞鬪漢王雄畧山號雲蟠臨鉅  
野之澤貌貅蝥蝥偃齊王之幕鏡馬嶢嶢三月聽鷓間有花鬚  
峰背九秋擘蟹不聞水調漁舡豈知滾雪傾銀忽焉浩瀚天一  
地六頓爾汪洋四隅澎湃三面滄桑凌千頃之灝淼縱一葦之  
可望波紋如掌亞鷺濤之浮玉鸞環似帶宜曲水以流觴眠鳧  
翹鷺水遠天長邑人顧而喜曰是宜潤澤宇宙洗盪文明遠鏡  
樓閣近點柴荆豈其委淪漣於漣莽棄漪縠於飄萍於焉居人  
于于舟子丁丁垂清流之香餌植碧藕以千莖如錢之葉千畝  
田田似鏡之盤數里菁菁久之沉竿續蔓連袤數里水花蓊蔚  
水衣縱橫則有白氍羽人霞裳仙子豔過佳塘潔如甫里乍含

曹州府志

卷之十九

賦

八

露以扶疎忽驚颺而徒倚皎皎乎若處妃之淩波濯濯乎似西  
施之列齒混巴江之錦繡陋漢宮之羅綺心乎寫矣無庸植蠲

忿於北堂偏其反而何必贈芍藥於溱洧若其千堆青汞萬點

明珠微雨聲中泣盡鮫人之淚青銅鏡裏輕拂月姊之裾對菖

蒲而熠燿撫菱芡以躊躇茂叔過而願解遠公顧而忿驅六郎

之貌真爾不倫君子之名庶其肖諸豈比夫櫻桃妖冶葢藏拳

舒桃李爭倡樓之價菖蒲留蕩子之車者哉爾乃北過雲亭之

麓西瞰輓轡之灣蔬畦剪剪柳浪甍甍既水容之滑笏復鳥語

之繇蠻羗徘徊乎洲渚豈遄駕於西山是當雁齒低排鼉梁高

上臥以朱欄委乎綠浪韡紋綵繚千迴機上之篇畧約欵斜廿

四溝邊之椽風標公子之塘間立東西綯袂仙人之里區畫三  
兩拂波之柳千絲干雲之竹數行落日蕩槳卷碧箏以怡情適  
意濠梁樂漁家之跌蕩頭上片雲頻催才子之揮毫澤畔琅玕  
屢刺幽人之雅唱庶幾修士之同心而風騷之極致也歎乃倚  
欵而和曰風澹澹兮水溶溶花的歷兮葉羃蒙搖白羽兮擲芙  
蓉心搖搖兮意惺忪思美人兮感榛苓吁嗟此樂不可以極兮  
其毋令汨濩間寂爲造物之所終窮

詩樂府雜歌

古體

漢高帝鴻鵠歌

爲戚夫人作

鴻鵠高飛一舉千里羽翮已就橫絕四海橫絕四海當可奈何  
曹州府志卷之十九詩九

雖有矰繳尙安所施

見志詩二首

漢仲長統

飛鳥遺跡蟬脫亡殼騰蛇乘鱗神龍喪角至人能變達士拔俗  
乘雲無轡騁風無足垂露成帷張霄成幄沉瀟當餐九陽代燭  
恆星豔珠朝霞潤玉六合之內恣心所欲人事可遺何爲局促  
大道雖夷見幾者寡任意無非適物無可古來繞繞委曲如瑣  
百慮何爲至要在我寄愁天上埋憂地下畔散五經滅棄風雅  
百家雜碎請用從火抗志山棲游心海左元氣爲舟微風爲楫  
邀舞太清縱意容冶

雜詩四首

魏曹植

高臺多悲風朝日照北林之子在萬里江湖逾且深方舟安可  
極離思故難任孤雁飛南遊過庭長哀吟翹思慕遠人願欲托  
遺音形影忽不見翩翩傷我心

轉蓬離本根飄搖隨長風何意迴飈舉吹我入雲中高高上無  
極天路安可窮類此遊客子捐軀遠從戎毛褐不掩形被菴常  
不充去去莫復道沈憂令人老

南國有佳人容華若桃李朝遊江北岸夕宿瀟湘沚時俗薄朱  
顏誰爲發皓齒俛仰歲將暮榮耀難久恃

明月照高樓流光正徘徊上有愁思婦悲歎有餘哀借問歎者  
誰言是蕩子妻君行踰十年孤妾常獨棲君若清路塵妾若濁  
曹州府志 卷之十九 詩  
十  
水泥浮沉各異勢會合何時諾願爲西南風長逝入君懷君懷  
良不開賤妾當何依

責躬詩

曹植

於穆顯考時惟武皇受命於天寧濟四方朱旗所拂九土披攘  
元化滂流荒服來王超商越周與唐比蹤篤生我皇奕世載聰  
武則肅烈文則時雍受禪於漢君臨萬邦萬邦旣化率由舊則  
廣命懿親以藩王國帝曰爾侯君茲青土奄有海濱方周於魯  
奉服有輝旗章有敘濟濟僑乂我弼我輔伊予小子恃寵驕盈  
率挂時綱動亂國經作蕃作屏先軌是隳傲我皇使犯我朝儀  
有典刑我劓我黜將寘於理元兇是率明明天子時惟篤類

送我刑暴之朝肆違彼執憲哀子小臣改封充邑於海之濱  
初二年改封鄆城屬東郡舊兗州之境股肱弗置有君無臣  
荒淫之闕誰弼子身獎獎僕夫于彼冀方嗟子小子乃懼斯殃  
赫赫天子恩不遺物冠我元冕要我朱紱光光大使我榮我華  
剖符受土王爵是加仰齒金璽俯執聖策皇恩過隆祇承怵惕  
咨我小子頑凶是嬰逝慙陵墓存愧闕庭匪敢傲德實恩是恃  
威靈改加足以涖齒昊天罔極生命不圖嘗懼顛沛抱罪黃墟  
願蒙矢石建旗東嶽庶立毫釐微功自贖危軀受命知足免戾  
甘赴江湘奮戈吳越天啓其衷得會京畿遲奉聖顏如渴如飢  
心之云慕愴矣其悲天高聽卑皇肯照微

曹州府志

卷之十九

詩

十一

雜詩

王 粲

日暮游西園冀寫憂思情曲池揚素波列樹敷丹榮上有特棲  
鳥懷春向我鳴寒衽欲從之路險不得征徘徊不能去佇立望  
爾形風颺揚塵起白日忽以冥回身入空房託夢通精誠人欲  
天不違何懼不合并

詠史詩

王 粲

自古無殉死達人所共知秦穆殺三良惜哉空爾爲結髮事明  
君受恩良不訾臨發要之死焉得不相隨妻子當門泣兄弟哭  
路唾臨穴呼蒼天涕下如縷靡人生各有志終不爲此移回知  
埋身劇心亦有所施生爲百夫雄死爲壯士規黃鳥作哀詩至

今聲不虧

客漢中言懷

唐沈千運

聖朝憂賢良草澤無遺匿人生各有命在余胡不激一生但區區五十無寸祿衰退當棄捐貪殘招毀讟樓榭去人世此躓日窮迫不如守田園歲晏望豐熟壯年失宜盡老大無効力始知前計非將貽後生福童兒新學稼少女未能織顧此煩知已終日求衣食

早秋單父南樓酬竇公衡

李白

白露見日滅紅顏隨霜凋別君若俯仰春芳辭秋條泰山嵯峨夏雲在疑是白波漲東海散爲飛雨川上來遙帷却卷清浮埃

曹州府志

卷之十九

詩

七

知君獨坐青軒下此時結念同所懷我閉南樓看道書幽簾清寂在仙居曾無好事來相訪賴爾高文一起子

單父秋夜獵歸置酒東樓觀妓

李白

傾暉速短炬走海無停川冀餐圓邱草欲以還顏年此事不可得微生若浮烟駿騶跨名駒彤弓空鳴絃鷹豪魯草白狐兔多肥鮮邀遮相馳逐遂出城東田一掃四野空喧呼鞍馬前歸來獻所獲炮炙宜霜天出舞雙美人飄飄若雲仙留懽不知疲清曉方來旋

單父東樓秋夜送族弟沈之秦

李白

剛從咸陽來問我何勞苦沐猴而冠不足言身騎土牛滯東魯

沈弟欲行嶺弟留孤飛一雁秦雲秋坐來黃葉落四五北斗七  
挂西城樓絲桐感人絃亦絕滿堂送君皆惜別卷簾見月清興  
來疑是山陰夜中雪明日斗酒別惆悵清路塵遙望長安日不  
見長安人長安宮闕九天上此地曾經爲近臣一朝復一朝髮  
白心不改屈原憔悴滯江潭亭伯流離放遼海折翮翻飛隨轉  
蓬間絃虛墜下霜空聖朝久棄青雲士他日誰憐張長公

樂王和崔二少府登楚邱城作

高適

故人亦不遇異縣久棲託辛勤失路意感歎登樓作清晨眺原  
野獨立窮寥廓雲散芒碭山水還睢陽郭遠梁卽襟帶封衛多  
漂泊事古悲城池年豐愛虛落相逢俱未展攜手空蕭索何意  
曹州府志 卷之十九 詩 三  
千里心仍求百金諾公侯皆我輩動用在謀畧聖心思賢才  
來刈葵藿

宋中三首

高適

梁王昔全盛賓客復多才悠悠一千年陳迹惟高臺寂寞向秋  
草悲風千里來  
逍遙漆園吏冥沒不知年世事浮雲外閒居大道邊古來同一  
馬今我亦忘筌  
常愛宓子賤鳴琴能自親邑中靜無事豈不由其身何意千年  
後寂寞無此人

昔遊

杜甫

昔情與高李同登單父臺寒蕪際碣石萬里風雲來桑柘葉  
凋去徘徊清霜大澤凍禽獸有餘哀是時倉廩實洞達寰  
區蘭猛士思滅寇將相望三台君王無所惜駕馭英雄才幽燕  
盛用武供給亦勞哉吳門轉粟帛泛海凌蓬萊肉食三十萬獵  
射起黃埃隔河憶長眺青歲已催頽不及少年日無復故人杯  
賦詩獨流涕亂世想賢才有能市駿骨莫恨少龍媒商山議得  
失蜀主脫嫌猜呂尚封國邑傳說已鹽梅景晏楚山深水鶴去  
低回雁公任本性攜子臥蒼苔

曹州府志

王維

秋色有佳興况君池上閒悠悠西林下自識門前山千里橫黛

卷之十九

古

色數峯出雲間嵯峨對秦國合沓藏荆關殘雨斜日照夕嵐飛  
鳥還故人今尚爾歎息此頽顏

過河濱和文學張志尹

蕭穎士

隆古日以遠舉世喪其淳慷慨懷黃虞化理何由臻步出城西  
門徘徊見河濱當其側陋時河水清且潏滄桑一以變莽然翳  
荆榛至化無苦窳宇宙將陶甄太息感悲泉人往跡未湮瑟瑟  
寒原墓冷風吹衣巾顧我謏劣質希聖杳無因且盡登臨意斗  
酒歡相親

初秋夜坐贈濮陽吳武陵

柳宗元

稍稍兩侵竹翻翻鶻鶩叢美人隔湘浦一夕生秋風積露沾

驚波浩無窮相思豈云遠卽席吳與同若人抱奇音朱絃絃  
梧桐清商激西顛泛灑凌長空自得本無作天成詠非功希聲  
闕大樸靜俗何由聰

懷古二首 王尊 陽瓚

李德裕

河水昔將決衝波溢川溲崢嶸金堤下噴薄風雷音投馬災未  
弭爲魚歎方深惟公執圭璧誓與身俱沉誠信不虛發神明宜  
爾臨湍流自此廻咫尺焉能浸逮我守東郡悽然懷所欽雖非  
識君面自謂知君心意氣首相合神期無古今登城見遺廟日  
夕空悲吟

宋氏遠江左豺狼滿中州陽君守滑臺終古垂英猷數仞城旣  
曹州府志 卷之十九 詩

五

毀萬夫心莫留躡身入飛鏃免冑歸霜矛畢命在旗下僵尸橫  
道周義風激河汴壯氣淪山邱嗟爾抱忠烈古來誰與儔就烹  
感漢策握節悲陽秋顏子綴清操鑑然如紫璆徘徊望故壘尚  
想精魂遊

送劉潛歸陶邱

宋 石延年

丈夫未大用身與仁義閑可宜更聚散風塵催其顏君今歸荷  
澤路出梁宋間梁宋有吾廬親老待我還矧復君先歸因君頭  
應斑春老有時還人老不再少草白有時榮髮白不再好人生  
不如春髮生不如草可堪送君春草前青春未老人先老

過南華

孫 灝

策自弱鬣周覽南華書茫然訪道志欲駕將焉如揭來南華  
迦始識其故墟塵跡寄委蛻往事同蓮廬想其爲吏時教世樂  
有餘天地等毫末軒冕同錙銖三公禮華戶萬乘尊褐夫去古  
邈已遠澆風日淪胥得長嘯腐鼠怒悅紛衆狙材石筭木雁斷  
續傷鶴鳧釣臺已湮沒漆城復荒蕪恨不見斯人遑遑與之俱  
還淳以及樸撫俗歸黃虞神交付恍惚日暮猶躊躇

讀書堂

陳師道

昔人三百篇善世亦有餘後生守章句不足供囁嚅一登吏部  
選筆硯隨掃除閉閣畫舂嬾隔屋聞歌呼奉公用漢律寧復要  
詩書俛首出跨下枉此七尺軀今代陶朱公不作大梁屠計然

曹州府志

卷之十九

詩

共

特未用意得輕全吳爲邦得畿縣政密自計疎寧書下下考不  
奉急急符用意薄領外築室課典謨平生五千卷還舍不問途  
舊事更漢唐稍以詩自娛復作無事飲醉臥擁青奴桃李春事  
繁軒窗晝景舒鳴屋鳩喚雨窺簷燕哺雛休吏散篇秩修篁獻  
笙竽听然一啓齒斯民免爲魚

次晁無斁夏雨韻

陳師道

咫尺隔山海作書問如何蟻垤旣畜糧蛙窟如鳴鼃積暑復一  
雨斧斫仍手磨鈎窗欲懸麻出門已橫河人言月離畢未必致  
滂沱東臯爨草木蘭艾不同科鷺魚畏密苔獨鳥鳴南柯稍無  
蟲飛喧復覺蟬語多因聲作好惡與物殊永和臥聞夜來雨歸

種山禾百年須下澤萬里村長羅先生斷百好尚以詩作  
羅子萬言手聽渠七子哦室邇人則遠燕默勞者歌思君得老  
瘦癯熟生積病

試貢士歌

王禹偁

天王出震寰宇清奎星燦燦昭文明詔令郡國貢多士大張一  
網羅羣英聖情孜孜終不倦日斜猶御金鸞殿官柳低垂三月  
烟爐香飛入千人硯麻衣皎皎光如雪一一重瞳親鑒別孤寒  
得路荷君恩聚首皆言盡臣節小臣蹤迹本塵泥登科曾賦御  
前題屈指方經五六載如今已上青雲梯位列諫官無一語在  
愧將何報明主應用非才但垂淚強作狂歌歌舜禹

曹州府志

卷之十九

詩

七

擬古

劉放

老萊隱窮楚因與時世隔暮歸怪車轍夜起辟山澤若人不  
見况肯低顏色安知叢臺下一旦三千客西遷竟不還嗟哉  
良畫

次韻晁无咎廖正一贈答詩

黃庭堅

量子抱才耕谷口世有高賢踐台斗頃隨計吏西入關關夫豈  
日停車還封侯半屬妄校尉射虎猛將猶行間無因自致青  
上浪說諸公見爵賞驥伏鹽車不稱情輕裘肥馬鳳皇城歸  
作詩謝同列句與桃李爭春榮十年山林廖居士今隨詔書  
舉子文章宏麗學西京新有詩聲似候喜君不見古來長

音難絕絃不爲時人彈已喜瓊枝在我側更恨桂樹無由攀  
里風期初不隔獨憐形迹滯河山

以小團龍及半挺贈无咎用前韻爲戲 黃廷堅

我持元圭與蒼璧以暗投人渠不識城南窮巷有佳人  
不索賓郎常晏食赤銅茗椀兩班班銀粟翻光解破顏  
上有龍文下碁局擔囊贈君諾已宿此物已是元豐春光  
皇聖功調玉燭晁子曾中開典禮平生自期莘與渭故  
用澆君磊塊曾莫令鬢毛霜相似曲几團蒲聽煮湯煎  
成車聲繞羊腸雞蘇胡麻留渴羌不應亂我官焙香肥  
如瓠壺鼻雷吼幸君飲此勿飲酒

魯直復以詩送茶云願君飲此勿飲酒次韻晁補之

曹州府志 卷之十九

詩

六

相茶真似石韞璧至精那可皮膚識溪芽不給萬口須往往山  
毛俱入食雲龍正用餉近班乞與龕官誠覩顏崇朝一盃坐官  
局申巨形清不成宿平生樂此臭味同故人貽我情相燭黃侯  
發軔日千里天育攻駒自汧渭車聲出鼎細九盤如此佳句誰  
能似遣試齊民蟹眼湯扶起醉頭湔腐腸頗類他時玉川子破  
鼻竹林屐送香吾儕幽事動不朽但讀離騷可無酒

鄧御夫秀才爲窟巖題

晁補之

君不學馮驩彈鋏從薛公貸錢燒券悅市傭又不學魯連約矢  
射聊城笑夸田單取美名何爲空郊獨坐一茅屋深如魚潛遠  
蛇伏荒檐野蔓幽莫矚窺戶下投如墜谷其外桑麻雜蔬菘

子齋穴蝸穿無卷軸我來不暇問出處但愛君居伯夷築  
九月九日秋氣涼芙蓉黃菊天未霜登高能賦豈我長從君此  
露時相羊不用糟邱譏腐腸酒酣猶能歌楚狂我敬先生不敢  
望二三子者亦自強潔身亂倫非所望

和李伯玉詠梅花用東坡韻

朱熹

風日日霾江村歸夢正爾勞營魂忽聞梅蘂臘前破楚客不  
愛蘭佩昏尋幽舊識此堂古叟杖偶集僧家園嵐陰春物未全  
到邂逅祇有南枝溫冷光自照眼色界雲豔未怯扶桑暎遙知  
雲臺溪上路玉樹十里藏山門自憐塵鬢不得去坐想佳處知  
晉州府志 卷之十九 詩

充

詩言但哦君詩慰岑寂已似共倒花前尊

新濟州

文天祥

借問新濟州徐鄆兄弟國昔爲大河南今爲大河北垂雲陰萬  
里平原望不極百草盡枯死黃花自秋色時時見桑樹青青雜  
阡陌路上無行人烟火渺蕭瑟車轍分縱橫過者臨岐泣積潦  
流交衢霜蹄破叢棘江南寒未深銅爐獸花赤焉知行路人鐵  
冷衣裳濕

贈濟陰簿呂居仁弟

劉師川

大阮平生予所愛小阮相逢亦傾蓋濟陰未識情更親信手新  
詩落珠貝楊氏作公誰料理臧孫有後誠可喜長亭水落風雨

多無酒飲君如別句

單父詞

元楊維禎

單父侯吾父母治吾以天不以夏楚堂上彈琴赤子舞堂下單父之賢賢於不齊者五吾能事之治單父以賢輔治神明主民不忍欺魚不取化行西魯奚翅單父

騶虞詩應制

明胡儼

聖皇端拱居明堂梯航玉帛來萬方仁恩義澤被寰宇運化熙熙躋虞唐於此山東產靈獸玉燭儲精天降祥雪花英瑩毛質元雲冉冉凝天章不履生芻性仁厚虎豹遁跡蛟龍藏千巖萬壑生光彩山靈岳祇叅翱翔奇花異卉紛照耀靈風滿川甘

曹州府志

卷之十九

詩

三

露灑要之網羅不可致虞人走告誇非常近之不驚亦不懼儀儀穆穆行踰踰薦以雕籠籍芳褥榮光叶氣隨飛揚猊首班班獻金闕龍旂寶扇森開張百僚拜舞慶嘉瑞鏘金鳴玉趨鷄行昔者鈞州已來貢重見實由聖德昌小臣忻躍載歌頌願播簫韶儀鳳凰

河渾渾一首

黃哲

河渾渾發崑崙度砂磧經中原噴薄砥柱排龍門環嵩絕華熊虎奔君不聞漢家博望初尋源揚旌遠涉西塞垣窮探幽討事絕云是天津銀潢之所接慈嶺三時積雪消流沙萬派從東

漢州沃壤徐豫之墟懷山襄陵赤子爲魚父沒鉅野朝滿玉

諸茫茫下邑皆塗汙民不粒食鄉無廬桑畦忽變葭葦澤麥隴  
盡化黿鼉居宮中聖人方盱食羣公日夜憂曠職星郎又乘博  
望槎西去盟津求禹跡始聞古道行千艘一朝勢轉纜容舸奔  
衝條忽駭神怪淺不浮漚泥沒篙我上梁山望曹濮長歎滄桑  
變陵谷萬人舉錘功莫施猶擬宣防再與築宣防漢武威曷若  
堯無爲洪波閱九載端拱垂裳衣元圭錫夏后安得辭胼胝龍  
門一疏鑿亘古功巍巍巍巍功可成河水渾復清

味泉詩

邊貢

泉之水其色幽幽公之歸矣誰與晏遊泉之水其味悠悠公之  
酌矣可以忘憂泉之清兮公斯濯纓兮百斯齡兮

曹州府志

卷之十九

詩

三

送王叔武歸曹

邊貢

黃河三尺雪冰厚不可解使君白馬來青雲見風采蕭蕭梁園  
竹秀色遙相待鄒生與枚叟借問今安在日暮登吹臺含情向  
千載

過漯河

王子魯

吾聞東郡古漯源千年故跡成桑田白雲飛來蘆捲雪黃葉亂  
下鳴殘蟬清風颯颯林篩響雁行遠送來天邊幾番登眺發長  
恨緜駒舊曲無人傳

定清寺仙桐

那桐

就巖行見焦胡然覲華茁物理詎有因神功固無滅雲夜漾寒

茅陽春被枯葉蕭寺儼蓬遊曹南表仙轍宜爾上聖鄉未汝沖  
虛訣白日召羣靈徵年小彭載

孝烈祠祀歌

濮州孝子朱顯章并妻幸氏

黃佐

鼃逢逢兮老鯨湛椒漿兮列蘭蒸五音節兮鞞繡張瑱瑤席兮  
玉英脣蕭炳兮拜以瀨琴瑟奏兮雲舞南陔闕兮栢舟靈不徠  
兮夷猶驂秦鴻兮燭龍轡慶陰陰兮靈其有喜儵蕙帶兮荷裳  
又金支兮翠旗鴛鴦鴉兮靈之徠靈徠不徠兮我心悲濮山嶼  
佳兮濮水溲汰高賢愉愉兮繫孝而烈穆並騁兮槃桓孳桑梓  
兮涕滂浚象輿轆兮懜容與靈臨享兮福我士女矯揚光兮晏  
娛永山則兮雲施般姚姚兮裔裔靈何爲兮澘然逝蹇霧縠兮  
曹州府志 卷之十九 詩

三

宵冥冥山水夕兮含清春有蘭兮秋有菊結無極兮芳馨

樹中餓弔義城

李東陽

山深雪寒路坎坷兩死何如一生可桃才自信不如哀君若有  
功何必我楚王好事得燕才燕家未築黃金臺當時周室何爲  
哉吁嗟乎樹中餓死何足惜何似西山採薇食

登濟城望城武

歸有光

城武漢時縣乃在兗西南曾考昔爲令期年化方單性本愛瀟  
敬侯望苦不堪飛雪積烏帽棄擲欲投簪竟以末疾返不及一  
考淹時當孝皇日仁治正漸涵我來登濟城落日已半含西望  
適相仍竚立獨悲暗明經幾累世淪廢良可漸

曉渡黃河

于若瀛

盛暑恣行邁，凌晨孤棹發。漸開南岸烟，遽沒西巖月。連天漲新黃，驚鳥去帶噪。漚漚曲流駛，炎飈亂短髮。崩脆梁疆城，摧蕩宋城闕。碧馬安所投，歌裂瓠子決。竭民困築役，岸沙忽出沒。觸物眩游目，掀蓬益忡懼。何以淪狂瀾，濟川慙薄劣。

曹南枯桐行

張居仁

叢林灌木穆，相亞枯桐突。立叢材下，漂靄嚴霜飽。見凌低枝陳，葉久衰謝，剪伐幸不夭。斧斤柱日撐，天空拱把世間怪事何其多。傳有仙人，向此過樹間箕踞三日，座一夜枯朽，生長柯微微。夕露留餘滋，二十四葉分參差。由來此物中，琴瑟剝落翻荷皇。曹州府志卷之十九

詩

五

天慈嗚呼皇天悠悠亦難逆，爨下尺薪良足惜。桐兮汝今根蒂牢，一遇真仙免囊擲。

酬濮陽李夢弼

王廷相

昔邁自京邑，重與朋故辭。行行指荒甸，迨路難爲期。三霜轉蓬藿，一麾滄海湄。卽事旣超曠，奔頓亦已疲。玉闔丹華流，紫閣彤雲披。妙思補王袞，大道協帝師。愧我濁水途，日暮迷去谿。豈不憚險艱，空然傷明夷。悲風振林壑，鴻雁來已遲。企念雲中客，容徽如在斯。笳響感自切，絃促意彌悽。申我南江調，報君燕臺辭。

別濮陽李符卿

吳國倫

朝下承明廬，暮投湘水濱。須臾萬里隔，中意當誰陳。嗟我同心

友涕下沾衣巾婉孌無終席歡愛豈易輪容華難久恃安得強  
相親趨舍一相乖曠若越與秦並器登蘭蕭疇能識其真連城  
衆所哈鼠腊乃見珍始知卞和氏三獻徒苦辛

送濮陽李伯承赴新喻

李攀龍

爾昔紅顏客薊門獻書不報哀王孫一朝致身青雲裏座上還  
開北海樽余亦題詩郭隗臺燕山秋色對銜杯論交共惜黃金  
盡此處空悲駿馬來可憐郢曲今亡久下里之歌吾何有文章  
稍近五千言雅頌以還十九首才子新傳白雪篇江城忽借使  
君賢那堪西署爲郎者多病離居臥日邊

曹州府志

卷之十九

詩

五

擬燕歌行

蘇祐

盈盈一水限河梁牽牛織女遙相望西風颯颯天雨霜鴻雁嗷  
嗷向南翔誰能對此不悲傷終朝機杼猶七襄一年一會河鼓  
曹州府志

卷之十九 詩

五

郎七月七日佩鳴璫烏鵲爲橋開洞房懽娛未畢口扶桑不覺  
淚下沾衣裳斯時恍惚誰能詳世人好誣竟荒唐欲排閭闔訴  
帝旁竊恐不察轉徬徨天門九重空淚行

哀長平

蘇祐

長平一夕悲風起四十萬人同日死燐火蕭蕭陰雨青膏血茫  
茫土花紫衰草黃沙寒日曛山空野曠度愁雲西望咸陽杜郵  
道不須重弔武安君

賦得陶邱寄贈許生溫如

蘇祐

步出衛城門歧望陶邱臺下有車馬之古道上有鐘磬凌晨開  
憶昔諸侯會盟日霓旌簪節何雄哉陵谷依然幾風雨秋日登

臨春諱語極日平原覽四荒靡靡良田盡禾黍佳氣猶存閭井  
間雅歌自有雲霄侶衣冠大姓數十家巨擘今稱宋與許許氏  
原從太岳傳名賢遺印幾千年錫圭早授虞京爵假璧曾歸岱  
下田雍伯元修產玉緣却將圭璧種山前春來試上晴原望映  
日氤氳生紫烟

贈謝山人茂秦

蘇祐

帝京一夜條風到御溝兩岸生青草黃鳥正牽求友情間關隔  
樹流春聲珠簾繡襦未寂寞暖風猶怯羅衣薄十二欄杆清晝  
閒垂楊正裊憑虛閣三街六市車馬多美人不來可若何日夕  
焚香望君至流水高山獨無意爲君先絃膝上桐相期共座春  
曹州府志卷之十九詩  
風中一絃一酌不知曙別君上馬朝天去

送濮陽桑華州

康海

昔予抵華原中道值曉黑嘹唳寒雁鳴縱橫亂泉惑僕馬具飢  
渴垆岸復傾仄葡萄赤水東喘喘虞寇賊前睽雙炬明鈴柝甚  
嚴劾所過輒與同詣郡目頃刻頗爲使君意爲我夜行役問之  
道左云三年少斯則感歎英邁人往往有高識前年張譚徒憑  
陵省城北官軍多見傷行旅况蒙忒日日抱茲意欲語中自嗇  
近逢使君歸云將上京國篇章錯金采名家盡枚植愧我疎放  
久臨楮懼輕卽天子龍飛初博念矢文德司功皆碩卿明陽必  
精特以君卓犖才清要立可得會當時聖懷不久延崔實何不

天恩下民色

漢湯陳節婦

栗永祿

昔夫其侶哀鳴在河洲豈無索羣鴻顧我非其儔  
婉彼高君對筭歲懷貞柔作嬪君子室永願偕好  
速安知所天殞中道罹此憂誓欲從泉壤暫爲  
高堂留貞操諒不渝勁節亦何道玉壺湛寒水  
皎月橫素秋載令澆源淳聿使直道修清塵播  
千古令譽侔栢舟

河入曹南

王崇仁

黃河從天來發源自崑崙萬里至中華九折成雷  
奔流入魯魏間土壤地不根東山有長隄惠愛  
今如存沿河賴滑王繼世猶曹州府志卷之十九  
詩

毛

村村邇來風浪惡湖泮衝天門居民盡東徙漂  
泊誰招魂世無塗山客舜警何爲分

送陳西嶺還括蒼

趙惟勳

一別三千里今日新發軔意氣苟浹洽室家彌  
相近君咏白雪調我歌驪駒詞調高難爲和詞  
長情逾滋君挽滄江棹我把瓊樹枝贈君瓊  
樹枝寄我常相思君行不顧返歲華忽已晚  
願言崇令德晨夕加餐飯

椈岡草書行

王崇儉

城北高岡窈巖谷岡上種椈椈蠹蠹根枝盤屈  
勢如龍中有椈翁讀書屋屋旁時復椈風通  
六月涼幾來月宮桂枝飄蕩影搖

龍依稀欲與縱爭東何人夜洩天河水傾入硯池碧烟起彩  
瀑出五花雲謾道人間有羅綺一筆橫項莊出座金鐔錚一筆  
斜秋風草上有驚蛇一筆立夜半武庫饑鬼泣一筆直飛泉界  
被匡廬色穩如盤山峭如巒伏如臥虎轉如丸槎牙老樹何足  
論愔然鐵笛江空寒我有好紙厚如絹瑩然白似澄江練致向  
翁前更不辭信手寫出風雲變張旭懷素世無雙從來豪傑皆  
再降我朝惟有張東海東鄰還輸邵半江二公草書真絕倒先  
驅後驅爭遲早惟願翁年常不老牀頭有紙便應掃再書萬卷  
豈足多並傳人世爲珍寶

曹州府志

卷之十九 詩

天

李孝可齋中蘭石

楚煙

諸品悉佳妙耽茲蘭與石  
葳蕤含風紫孤秀凝雲碧  
秋容媿楚睨高價輕和璧  
蒼顏倚翠筠香魂浮金鱗  
水草欣得朋園花羞向客  
歸去寧相忘猶此醉鄉索

綠竹行

楚煙

曹州府志卷之十九 詩

完

誰家園枕清漣旁琅玕十頃霧茫茫  
小者淺碧黛睂長大者如虬鱗  
甲蒼元雲拂地鴻鸛藏翠蓋  
凌霄鸞鷲翔含風滴露氣生香  
瓊枝鐵幹聲鏘鏘烟空秀色飽  
風霜鶴汀鳧渚鬱相望

吐菇行

爲于妹死節作

田惟璿

夷齊節義從來稀登彼西山采其薇  
一朝輟薇隨化盡至今千載揚其輝  
古稱忠臣爲君生視死嗟嗟妻之于夫亦如此  
妹兮眞稱女丈夫吐菇頗與輟薇似  
吾于吾妹生平無重陳但知節義于人有真此  
身原自屬于郎于郎一死吾無身無身于彼復何有  
菇菜那能悅吾口吐之卽死茹亦死哀哀苦心人知否  
英魂渺渺下大荒新墳我栽連首陽墳上連枝樹化爲雙鴛鴦

盍叻交頸綺翼張爽道蕭蕭鳴白楊

病中讀南華

張鏗

冥鯤修幾千鵬背廣幾里南圖何日旋搏上何時止斥鴳與鷲  
鳩焉能窺其淡榆枋蓬蒿間笑而不自恥二虫旣無知憐茲小  
知士行苟比一鄉自視亦若此未聞彼神人磅礴萬物始陶鑄  
出垢塵堯舜猶糠粃我有五石瓠病落方未已開帙豁蓬心遂  
悟用大理願言躡藐姑綽約仍處子冷然御風行豈爲弊弊使  
鷓鴣巢林枝偃鼠飲河水名實非所論非譽遠吾耳廣漠可傍  
惶大槁免匠視幸不天斧斤逍遙無窮裏

南生魯六真圖歌

國朝 吳偉業

曹州府志

卷之十九

詩

三

明湖夜雨天涯客握手停杯話疇昔  
人生竟作畫圖看拂卷生綃開數尺  
長身玉立于思翁美人促柱彈春風  
一聲兩聲玉簫急吹落碧桃無數紅  
旁有一妹嬌倚扇聽君手拂湘妃怨  
抱琴危坐鬢飄然知入清微廣陵散  
出門逐伴車如風築毬會飲長安中  
歸來閉門閒課子石榻焚香列圖史  
我笑此翁何太奇彈琴蹴踘皆能爲  
讀書終老豈長策垂雲果欲鞭龍螭  
神仙吾輩儘可學六博吹笙遊戲作  
不信晚年圖作佛趺坐蒲團貪睡著  
丈夫雄心竟若此世事悠悠何足齒  
興來展翫自掀髯櫻拂藤鞋自茲始  
劉君水石謝君圖解衣盤薄工臨摹  
平生嗜好經想像須臾黜出雙清臚  
置身其間真快樂詩酒琴書資笑謔  
縱然

仙佛兩無成如此溪山良不惡吾聞宗少文曾寫尚子平阮生  
長嘯逢蘇門祖孫妙筆多天真君不見興宗年少香山老不及  
丹青似舊人

秋晴

宋 權

秋色已澄鮮况復風瀟灑牧樵散高原禾黍登四野樓閣參差  
開晴光戶牖間中夜起眺望惟見銀河瀉暗蛩響荒階黃蝶點  
苔瓦駕言時出遊東西兩臺下陶情依詩酒呼我任牛馬世事  
從濁清旅夢忘真假啜菽盡其歡無能供魚鮮俗尚追真淳襟  
期慕風雅才子高晏會邀我執玉斝昕夕相追隨輒如結雜社  
主賢賓易留情真禮自寡酒痕與墨痣頻見衣巾惹歸來愁客  
曹州府志卷之十九 詩

窗落葉風吹打

痛定

宋 權

西風昏慘夜鴉鳴鳴人屋貓額鵲翼垂鷹喙鈎爪伏復有鷗附  
威攫烏血毛翎憶我睢陽城萬姓失其祿參差千雉雄化為斷  
址禿滿眼無親知觸膚皆鋒鏃愁雲凝不飛人鬼震地哭華堂  
爲火灰公子如草木翻慕蜉蝣年不似我生鞠陰風乘殺吹寒  
雨復霖霖骨肉迷死生害氣遭百六婉轉刀鋸下望殺乞其速  
死尸橫市原誰辨誰之嚮踉蹌負喪母脫賊於野麓難民隨我  
行百家無一麓跣步忘近遠愴惶登河舳血屬相見時無淚惟  
酸日夜宿水之湄日采野之蓄城武任令公風義敦昔夙膏梁

充我腸自懼傷我腹痛定乃還驚見物淚漉漉晨夕何艱難夏  
秋亦迅倏德報言必酬恩深骨肉肝膽見平生誰是憐范叔  
漢張壽殘碑歌

趙于京

紛紛龍公寶瑟舞先生齋戒因禱雨偶然往檢半截碑搨得中  
郎之片羽垂芒八角非荒唐濂滅無從辨今古君壽何人與贊  
衛忠饗大節上嘉許江楊劇賊君已清稼穡滋殖胥樂土五月  
辛酉何王年此石何因落成武我疑漢代竹邑侯張君之名魚  
爲魯或與中郎生同時夏承有道類可睹嗟哉中鑿爲凹跌露  
窟戈法辱奴豎間三連五畫腹讀剝蝕安得女媧補大呼韓蘇  
詩紀之摩挲未必滅石鼓好歇衣亭北山間不啻淋冷清溽暑  
曹州府志

卷之十九 詩

三

觀趙文敏書張侍郎墓碑

趙于京

郛城古鼎淪烟墟蔡郎八分存龜趺河緣吳興一片石獨屹瑤  
峯之北隅字大最難見筋力瘦勁偏爾威儀殊釵勢欲墜千尺  
岸戈法直挽萬石弧就中三折後先意上與永斯爭黍銖閑邪  
家傳道而媿彼爲小巫此大巫憶昔至元念八載先生正直承  
明廬葉李所讀臣亦讀桑哥談笑爲驅除乃知清標宋公子畫  
馬作字聊自娛我今見碑亦云晚猶可彷彿公鬚髮安得大力  
曳官學兕爲御兮檀爲車直列伯施廟堂右佳話傳說趙與虞  
君不見西陂好古者誰子有帖什襲如明珠右軍鶩羣惜不費  
于出片頁唐塞余絹包紙裏投几上懷璧不肯離斯須自言荒

年一斛穀挾而求之終不沾嗚呼海內誰無書子孫棄之真蠹魚對此信鴛一爲喜小房村下鸞鳳起

朝城公廨有紫荆短碣

任俠

高齋坐無事射圃聊躑躅時或披荆榛摩挲斷碑讀季世不復淳動漸寒骨肉念此骨肉寒以致十斛粟紫荆枯已盡春風吹苜蓿爲作紫荆詞用以振墮俗

贈節婦黃周氏

黃叔琳

我聞嶰谷山中有琅玕竹柔條撼霜雪勁節抱幽獨又聞于闐溪中有茗華玉歷劫無疵瑕溫潤少軫粟猗歟周太君詩禮秉望族綺歲喪所天摩笄誓不辱呱呱黃口雛夙夜期式穀芳蘭曹州府志

卷之十九 詩

十一

旋就萎天乎亦已酷冰操五十年辛苦慎初服女中有藏洪士林效王蠋太史爰採風天書賁蓬藿潛德發幽光永永紀芳躅村居得方爾止書並寄詩集

何遠

昔人防躍馬我乃遭摧迫遠害且荒村豈散春風屐不意龔山書愁中向我擲佐以連城珍江遊詩一冊覽書破我顏誦詩反不憚爾何湖海寬我何樊籠窄恨無晨風翼追爾雲帆迹

酬了智師寄書並惠印石

何遠

好風東南吹遠送歸鴻翼貽我數行書一覽豁智臆忽如牟尼光照耀沉昏域又如獅子音震徹華胥國佐以青琅玕珍重過垂棘師意良自深琢磨用相飭再拜愼終言箴規佩明德我心

固匪石銘此不可泐翹首錫飛來雲外蓮花色

對酒行贈朱吉甫

何遠

燕山豪士推朱家英風軒舉凌青霞舊遊南國佩長劍江左夷  
吾溫嶠誇廟堂虛席俾形求飛書辟召傾公侯拂衣長嘯俱不  
就仲連珪組焉能留司馬季主嚴君平託跡兼辭隱者名我來  
相揖論先譜歡劇天涯有弟兄謂我風塵三十年嗟我與汝尚  
瓦全桃葉渡頭賣酒家一斗半百青銅錢丈夫飄泊且如斯相  
逢行樂須及時貴賤顛倒委流水樂莫樂兮心相知奉君酒爲  
君歌君今爲我朱顏酖別後相思將奈何

製都布雨兜成戲作

何遠

曹州府志

卷之十九

詩

詩

蜀山竹竿長裊裊傳聲一注青雲濕舍旁無山無甘泉獠奴抱  
甕苦遠汲聊裁布幔代水筒夏雲秋雲總收入邊幅纔如珠網  
強千顆萬顆珍珠集懸聲窵盜響濺濺依稀幽澗清流急活火  
揶鐔恣淪烹陸家水晶何能及憶昔信行與阿段主人勞苦酬  
佳竹子今不惜一秋衣省却獠奴頭戴笠問汝何以報主人瞠  
目無聲望天立

雨中對酒贈王生

何遠

蓬窗早起臨清旭海上雲生雨氣足須臾灑落細於絲卷石當  
階濯青玉倚檻紅藥自盈盈邱壑屏間潤增綠倒屣百里故人  
來濁酒園蔬飯脫粟眼前此景足怡人相逢莫爲愁拘束五侯

今何如男兒未遇那踞促懷中白鳳勢飛揚腰下蒼龍光  
羽曩柔毫借作魯陽戈當筵不樂成庸碌請看帶雨落英繁覆  
杯且唱陽春曲

卞忠貞壺

段雲襄

東晉崇放達翕然事褻屐及當國步艱風流竟何益倚嗟卞忠  
貞盡節在宗祏非不愛聞泰常如含瓦石居官貴幹實時好安  
足惜元舅失其御歷陽乃作逆西陵既摧敗力疾猶鬪格二子  
亦遄赴同殞青溪柵忠孝萃一門姓名垂竹帛愚生千載下弔  
古訪遺跡乘氏有殘碑冤句無故宅撫今念前哲夢寐感精魄  
春秋秩祀存祠宇宜重闢誰能執鄙吝永使浮囂革

曹州府志

卷之十九

詩

五

閻烈女

段雲襄

貞玉可碎不可汙志士可殺不可辱閻氏女子十五餘操行如  
士顏如玉壬午異變天地摧撥牢之慘亦何酷男兒奔走伏草  
關往往請命爲臣僕提刀驅女出中閨螻首蛾眉羞初旭墮髻  
掩袂悲且啼鐵馬鳴馳擁羽燾于時烈媛獨厲聲大罵豈畏刀  
鏢觸霜刃剝曾氣益振血濺桃花飛袿襖可憐遊魂歸未得應  
從南嶽騷黃鵠十里荒原埋遺蛻年年春草墓頭綠道傍有碣  
堪下拜長留高節振頽俗吁嗟乎中郎無子亦已足魏公枉把

文姬贖

白鹿洞學規詩

有序

劉澄清

朱子曰鹿洞規簡要精切學之道盡此矣嘗問諸學者  
率茫然無以應夫其語在四子書中而不能舉其目可  
乎因演爲韻語以示學者觀者勿以詩繩之也

爲學警赴的遵道常循循又如田有畔原臨時酌量力無他  
岐久乃完其真大哉紫陽子遠紹千聖新昭揭鹿洞規日月光  
大輪庸言妙簡括數語千琳琅虞廷敬敷教厥重首子臣夫婦  
及弟友萬古垂彛倫學者學此爾數此乃賊民學之序有五明  
善而誠身學問思辨行廢一學不純篤行事尤詳修身先諄諄  
處事與接物次第皆可陳修身在言行忿慾亟自堙有過勿憚  
改遷善當日新處事惟道義功利非所親接物蔽一言強恕由  
曹州府志

卷之十九

詩

美

漸馴已所不欲者亦勿施於人行反求諸已天下同歸仁是惟  
學之則聖賢咸所遵後學昧大道輒輒日以淪詞章相波靡典  
型多荆榛匪先民是程何以厠冠紳我服鹿洞旨鑽仰良苦辛  
希賢詎敢望灑掃托後塵其言童而習胡乃迷本因所願銘左  
右朝夕顧諟頌

魏村紅葉

王孫延

昔出右北平別見一邱壑山樹青琅玕林葉紅纓珞歸來尋微  
廬塵土滿四郭偶見轉少年餘者藜而藿行行到南魏秋容鮮  
猶昨遠近雜柿梨丹黃何灼灼忽疑黃大癡烘染此標格又意  
予嘗邱真宰謝棟柏嘗恩楓柏林秋來殊不惡思之不能見好

景空夢醒得此做冬烘如蟻忽大嚼尋友開濁醪一斗生臙角  
欲拉張元真霜林掃秋葦不然化羽人崢嶸上寥廓安得居世  
間如彼鶴鷄雀大言聊可嗤吾將問芒屨

瑞瓜詩壽某翁

侯士峻

先生養年似籤鏗先生種瓜似邵平行年九十徵不起爲園  
借澗河水王瓜駢秀曾聞說一帶五出真奇絕翠蔓高張掀翠  
霜璧連珠貫燦秋陽香奪石上三花臭色矜商山五枝秀壽  
獻玉事荒唐唐請廢詩人瓜爬章天錫佳瑞知非偶爾者爾茲  
厥後更看先生種大椿八千歲秋八千春

懷友人

朱 菘

晉州府志

卷之十九

詩

七

浩浩白鷗沒渺渺孤雲止水行將一旬路僅三百里高吟故人  
句風水成漣漪有如太古瑟清音含至理不雜匏竹鳴一洗等  
笛耳矯矯鴻鵠翩棲栖豈棘枳捲簾推雨扉亭午日和美浴  
穆清風恍然兩相視潑潑聽北流繼言托錦鯉

詩  
近體

晚渡黃河

唐 路賓王

千里尋歸路一葦亂平源  
通波連馬頰逆水急龍門  
照日擘淨驚風瑞浪翻  
棹唱依聞斷樵歌入聽  
喧岸迴秋霞落澤深  
霧繁誰堪遊川上日暮下歸魂

星旗轉分霄日羽明將追會阜跡更勒岱宗銘林戈咽濟  
獸鼓震河庭葉箭凌寒矯烏弓望曉驚已降汾水作仍深迎  
渭情

前題

薛堯構

龍圖冠胥陸鳳駕指雲亭蒼煙泛濟浦綠字啓河汀畫裳晨應  
月文戟曙分星四田巡揖禮三驅道契經行欣奉萬歲竊抃偶  
千齡

同羣公登濮陽聖佛寺閣

高適

落日登臨處悠然意不窮佛因初地識人覺四天空來雁清霜  
後孤帆遠樹中徘徊傷寓目蕭索對寒風

曹州府志

卷之十九

詩

三

贈馬尚書再領鄆州

韓愈

東朝當路日承詔改官時再領須句國仍遷少昊司暖風抽宿  
麥清雨捲歸旗賴寄新珠玉長吟慰我思

與濮陽夏侯吳三山人夜話

李羣玉

靜談雲壑趣高會兩三賢酒思彈琴夜茶芳向火天兔裘堆膝  
暖鳩杖倚牀偏各厭池籠窄相看意浩然

宋太宗賜張齊賢母晉國夫人孫氏詩

往日貧儒母年高壽太平齊賢行孝侍神理白分明

寄傅山人霖

宋張詠

前年失脚下瀟灑苦戀明時不忍去為報巢由莫相笑此世

是愛輕肥

寄華山陳希夷

張詠

性愚不肯住山林，剛要清流擬致君。今日星馳劍南檄，回頭懶愧華山雲。

中秋月

王禹偁

何處見清輝，登樓正午時。莫辭終夕看，動是隔年期。冷濕流螢草，光凝睡鶴枝。不禁雞唱曉，輕別下天涯。

官成武主簿作五首

王禹偁

釋褐來成武，始知爲政難。每簽逃戶狀，羞作字人官。古砌莓苔徧，荒城草木寒。宦情銷已矣，時夢釣魚灘。

曹州府志

卷之十九 詩

五

釋褐來成武，徒勞自感傷。位卑松在澗，俸薄菜經霜。逕擁寒莎綠，門橫古木蒼。冠纓塵已滿，未敢濯滄浪。

釋褐來成武，經春自愧多。晨炊猶接續，時雨未滂沱。拂樹鶯巢燕，陳書起蠶。蛾惠民無政術，尸祿竟如何。

釋褐來成武，閒思應舉時。投人天下徧，瘦馬雪中騎。秋卷何年中，春愁到處隨。如今名已遂，爭敢語官卑。

釋褐來成武，携家別故鄉。北堂微祿及，南畝舊田荒。籬菊飛秋蝶，庭莎叫夜螿。無人慰孤寂，窗月自淒涼。

芍藥

王禹偁

東君留著占殘春，得得遲開亦有因。曾與掖垣留故事，又來淮

海伴詞臣日燒紅豔排千朶風遞清香滿四鄰更愛綠頭弄金縷異時相對掌絲綸

春日雜興

王禹偁

兩株桃杏映籬斜裝點商州副使家何事春風容不得和鶯吹折數枝花

題王元之畫像

歐陽修

偶然來繼前賢迹信矣皆如昔所言諸縣豐登少公事一家飽暖荷君恩想公風采常如在顧我文章不足論名姓已光青史上壁間容貌任塵昏

靈巖寺詩

李迪

曹州府志卷之十九詩

學

靈巖山勢異金地景難窮塔影遮層漢鐘聲落半空千峯羅雜堞萬仞倚鴻濛飛鶴來清竇剝魚挂古桐名曾叅四絕村合亞三公勢徹河壩遠形羗嶽鎮雄仙間鄰峻極目觀伴穹崇邃洞連蓬島重巒鑿梵宮望應銷俗慮登喜出塵籠獻壽嵩衡並分茅海岱同良方標出震午位對升中嵐滴晴煙碧崖鋪夕照紅巍峩齊太華奇勝敵崆峒鍊句共詩客模真怯畫工天生分怪狀神化結全功吟賞慵回首雲泉與愈隆

送孟仲習知濟陰

司馬光

聖主焦勞意誰三百里輕東州比災害劇令選精明水夫良匠商人歸穰穀生間闔連舊觀雞犬變新聲盜散疲民活好窮糶

吏驚政成知不日，幾耳爲君傾。

送唐介貶英州別駕

李師中

孤忠自與衆不許，獨立敢言人所難。去國一身輕似葉，名高千古車如山。並遊英俊顏何厚，未死奸諛骨已寒。天爲吾皇扶社稷，肯教夫子不生還。

和晁同年九日見寄

蘇軾

仰看鸞鵠刺天飛，富貴功名老不思。病馬已無千里志，騷人長負一秋悲。古來重九皆如此，別後西湖付與誰。遣子窮愁天有意，吳中山水要清詩。

宿濟州

晁端友

曹州府志

卷之十九 詩

聖

寒林殘日欲棲鳥，壁裏青燈生有無。小雨愔愔人不寐，臥聽羸馬齧殘芻。

讀書有感

晁補之

當年有志惜分陰，螢雪工夫著力深。一日折腰賦歸去，幾回抱膝自長吟。春風難夢池塘草，夏日還思松竹林。近喜絃歌聲頗密，頓教惹起讀書心。

家居有感

晁補之

擾擾風塵五十年，虛名何事苦相牽。江南瘴霧埋災日，塞外塵沙障碧天。見說奸貪頽颯，每逢忠孝重加憐。老來世事渾無意，曉日高高正獨眠。

挽濶陽太守王正啓

蘇轍

落落承平佐英英，嗣世風芝蘭託庭。  
尸鸞鶴峙椅桐，結客賢豪際傾財。  
緩急中悲傷聞故老，淪謝未衰翁。

出曹

林逋

詩懷動歎嗟，驢立帽陰斜。  
兩落生新艸，茅叢夾舊槎。  
午烟昏獨店，岡路透誰家。  
幾日江南興，扁舟泊岸沙。

河上作

陳師道

背水連魚屋，橫河架石梁。  
窺巢烏鵲競，雨過艾蒿光。  
鳥語催春事，窗明報夕陽。  
還家慰兒女，歸路不應長。

鉅野

陳師道

曹州府志

卷之十九 詩

望

餘力唐虞後，沉人海岱西。  
不應容築黠，寧復有青齊。  
燈火魚成市，帆檣藕帶泥。  
十年塵霧底，蔽眼怪鳧鷖。

鉅野泊卽事

陳師道

蒲港牽絲直，萍湖墜鏡清。  
順流風借便，捷路雪初晴。  
鳥度欲何向，鷗來只自驚。  
有行須快意，安得易爲情。

次韻晁無斁雪後

二首

陳師道

閉閣春雲薄，開門夜雪深。  
江梅猶故意，湖雁起歸心。  
草潤留餘澤，窗明度積陰。  
殷勤報春信，屋角有來禽。

取性無通介，隨時有異同。  
雪餘葢地白，春淺著稍紅。  
膏食虛長算，論時闕近功。  
相看不相棄，賴有古人風。

寄曹州呂太守

陳師道

往生三呂共修途擬上青雲近玉除中道勤回犇電足今年還  
直邇英廬縱談尚記華嚴夜在道難回刺史車乘輿寬爲七字  
句逢人聊代八行書

東堂春日小園偶成寄單牧司門通理都官二故人

聖門金闕射天關正見宮中舊古跡門外松竹幾陳堯佐

春城遊客氣如虹滿眼花枝次第空安得休官人似我溪邊對

坐兩漁翁

歲甲申卽八十二矣抒感成詠寄單牧司門

八十流光又二年

陳堯佐

曹州府志

卷之十九

聖

八十流光又二年煙霞門戶喜身還偶尋遺愛來東里幾送移  
文謝北山臙臙願陪邱木老夷猶甘逐野雲閒菱花自鑑慚無  
地獨向春風鬢未斑

出知曹州

劉天放

壁門金闕倚天開五見宮花落古槐明月扁舟滄海去却將雲

氣望蓬萊

元貢

濟州

全

舊濟知何處新城又作州危橋東去驛高堰北行舟市雜荆吳

客河分充西流人煙多似簇聒耳聽喧嘩

賦得鉅野澤送宋顯夫僉事之南山

余闕

堤上柳沉沉春蒲汎濟禽濟田東匯闊汶水北流深落日依中  
止浮雲積太陰微茫看不盡渾似別時心

登濮陽北城

楊飛卿

層城高絕一攀躋歲杪臨風客思淒燒入馬陵秋草黑雁橫雷  
澤暮天低陳臺事往人何在曹國風遙望欲迷牢落壯懷誰與  
語疎林殘照亂鴉啼

明成祖晉尚書令卞壺詩

父將一死報君恩二子臨戎忍自存慷慨相隨同日盡千古忠  
孝表清門

明成祖隋孝子翟普林詩

曹州府志

卷之十九

詩

事親色養且躬耕侍疾猶能盡至誠劬瘁七年衣不解鄉林咸  
仰翟先生

親亡廬墓自成墳忍凍哀號不可聞一犬悲號雙鵲擾高風千

古播清芬

明成祖宋孝子侯義詩

傭身事母爲家貧母沒哀號夜及晨妻子嗷嗷從不給辛勤負  
土只成墳

瓜生同實木連枝盜賊相知不忍欺蛇鴿俱馴來繞護由來純

孝感天知

濮陽道中

明薛瑄

歲月多從馬上過，勳名未立髮先皤。  
風霜滿面誰能識，極目蒼天一放歌。

行黃河岸上

薛瑄

蒼崖千仞俯黃流，滾滾波聲大地浮。  
惆悵靈槎無復見，壯還只許付神遊。

鉅野道中

薛瑄

鉅野茫茫遠際天，春風春雨淡春煙。  
河流尚自成陳迹，俯仰千秋事渺然。

題濮陽陳副使高年會二首

于慎行

華堂高會聚耆英，黃髮如雲象赤城。  
四座飛觴喧笑語，百年擊

曹州府志

卷之十九

詩

聖

壤沐昇平人符洛，社詩中數事勝襄陽。  
傳裏名七十，主翁渾未老。已從仙籍領長生。

都門三紀挹風流，想見今來雪滿頭。  
雲裏忽傳鴻雁札，山中遙隔薜蘿秋。  
懷人仲舉應懸榻，做世元龍自倚樓。  
聞道粉榆新結社，追隨無計覓扁舟。

單父道中有感

于慎行

落日名城道荒涼，可奈何高田人跡少。  
茅屋水痕多，震散梁王岫。琴殘宓子歌，停車問田父。  
含涕說修河。

送李時升拜南光祿

李秉

翠麟羽翼廿餘霜，玉筍聯班近侍行。  
袖帶天香金殿裏，身霑雨露

玉龍傍昔居言路陳王道今拜名卿入帝鄉別去南都燕楨  
逐魚書頰寄肯相忘

以南道御史謫沅陵北容驛驛丞寄南臺諸僚友

秦紘

幾磴烟村傍水涯驛亭喜得遠繁華閒穿洞口尋鍾乳悶向江  
頭看蓼花葛粉熟時堪代飯釣船到處卽爲家深源賢矣非知  
命咄咄書空祇自嗟

由戶部侍郎謫廣西叅政述懷

秦紘

休嗟飄泊在天邊且趁時光度眼前地勝那同凡世界官閒真  
是散神仙春嫌花鳥牽吟興曉厭松風聒醉眠疎懶竟能成底  
曹州府志

卷之十九 詩

巽

事幾回猶夢聽朝鞭

再起總制三邊自勵

秦紘

一第登庸五十年幾番黜逐幾超遷達官固守寒儒節文吏常  
兼大將權倦鳥歸來方歛翼賜環詔起復巡邊從今再展孫吳  
策百二山河保萬全

致政居谷亭

秦紘

許國何嘗敢愛身鐵衣重整幾番新羞貪棧豆甘求退怕累兒  
孫願受貧賜玦三爲嚴譴客沉湘兩度再生人只今留得形骸  
在薄暮纔臨蔗境春

過黃河野寺

劉大夏

花柳爭春色風塵礙景明  
王臣心獨苦禪客思偏清  
盜賊隨蹤斥河防恐變更  
慈航功未滿暫冷北山盟

過定陶保寧集

黎邦琰

雨過空林迴人耕萬井齊  
花枝欺燕壘暝色上雞栖  
問俗聊停轡乘春憶杖藜  
却憐兒女夢夜夜到淮西

登梁王臺

黎邦琰

孤臺寂寞隱荒原指點丹梯跡  
尚存羽翰何由生白日軒車隨  
處且清尊鶯花縹渺春前色  
禾黍高低雨後村躍馬風塵成底  
事不妨長嘯學蘇門

會臺

黎民表

曹州府志卷之十九

詩

七

高臺何峯望曠望出姚墟棟宇千秋後烽塵百戰餘  
桑田移組練耕地得儲胥未薄爲園計因成攬桂居  
心冥隨澗谷道在或樵漁躡履登金馬清班上玉除  
幾聞猿鶴語屢把鳳凰書班草還同酌徐行每當車  
牛山非達者魯叟未歸歟竹筒接天祿芝泥待石闕  
文章名可老青紫術鹽疎采藥吾將去羅溪有舊廬

題張別駕隱居

李先芳

去城不二里歲不一及門三徑人稀到孤槐挺自存  
有時琴一鼓無數酒盈樽若問柴桑社焉知非此村

題周漢中泉上

李先芳

蒼蒼最深處泉石忽中開興亡魚偏樂機忘鳥不猜  
花呈君子

林雜豫章材時有清風至羲皇白日來

送黎秘書過定陶

李先芳

海岱論交意氣豪况逢令子試牛刀  
苦吟莊鳥常思越逸世鴟夷  
近入陶不是東封留太史由來詞賦重  
離騷須知遠別俱衰颯莫惜當筵解濁醪

曹南道中遇雪三首

李先芳

六花堆滿侍臣衣霜鬢相看爭素輝  
萬里天風開道路馬蹄遙逐玉塵飛

空中疑有散花人細灑瓊珠作好春  
前路不知行近遠遙從銀

漢問迷津

曹州府志

卷之十九

賦

故園春酒浸朝霞何事元宵不在家  
雪夜長亭無火樹相將明月醉瓊花

潘溪曉渡

侶鍾

主去溪名在篙師夙夜忙往來爭濟者  
半是問津郎趁水魚千尾眠沙鷺幾行  
我題此橋景欲比浣花鄉

甘泉井

侶鍾

遙憶甘泉水應隨石甃生鳴踰更漏滴  
甃觸轆轤聲醴美能多讓貪汚恐見鷺  
澄清咏味好雅稱景中情

五岔漁歌

侶鍾

雲水烟波闊漁翁欸乃聲  
簾披寒雨重葦帶晚風輕  
柳岸垂綸

日蘆灣艇棹晴得魚心便足萬事不關情

送桑廉訪還濮陽

楊一清

不信高才遂陸沉果然衆口鑠黃金蒼天自識憐孤憤白日終  
當照素心載貨故知非馬授殺人原豈是曾參相留有意難爲  
力賦別跡踟蹰感慨深

送王侍講三錫叅蜀政

楊一清

聖皇不爲勤西顧叅政安能輟講官館閣十年推遠器江湖萬  
里得竒觀周詩早識均勞義蜀道寧辭行路難收拾江山在曾  
次篇章還寄北扉看

題桑廉訪草堂

張治道

曹州府志卷之十九

詩

吳

憐君早賦北山文十畝名園天下聞亂水層山得過鳥栽松種  
竹日停雲清朝未許終龍臥白髮聊將對鶴羣卽此乾坤堪大  
笑洞庭何必訪茅君

喜濮陽李尚書卜鄰

邊貢

紫宸西畔白門東雞犬相聞巷陌同家遠正須君作侶病多無  
奈我成翁池光向月虛含凍柳意歸春弱裊風珍重雪泥鴻爪  
迹翻飛回首五雲中

讌北城樓得山字

蘇祐

散步高城曉凭欄四顧間十洲虛想像層閣重躋攀物候餘三  
楚人文異百蠻沙鷗臨葦集江雁帶秋還葉落洪崖井煙深蘓

子雲天低圍野闊雲斷入湖西尊俎延清興風塵浣俗顏涼颯  
動北闕白露滿西山自遠鷄鸞侶誰當虎豹關清商休盡奏客  
淚灑衣斑

中秋汎月

蘇祐

汎月不知夜滄江舟自東幾人能共賞幾權若浮空浙瀝秋毫  
見滄茫曙色同雲霄懸皎鏡城郭動初鐘簫鼓青天上關山白  
露中漁燈沉朔氣兗杵送西風河漢低圍野星杓近倚蓬光涵  
青玉案歌入水晶宮應歷支機石虛彎射虎弓早聞漢營壘烽  
火接居庸

寫真戲述示蔡生

蘇祐

曹州府志卷之十九

詩

定遠勲名敢自希長康才藝世應稀一生燕領無殊相七里羊  
裘有釣磯物色虛聞曾入夢年華真笑已知非輕綃珍重開生  
面十載中臺老馬衣

登雁門關

蘇祐

關城樓閣澹陰森積雪層冰春已深東望音書如隔歲南侵戎  
馬欲沾襟代王城上雲初散李牧祠前風不禁自笑頻年成底  
事重來華髮不勝簪

寄謝茂秦

蘇祐

鄴下才名世共傳梁園賓客更誰先半生旅寄原能賦千里神  
交况有綠珊瑚共珍清廟器雁鴻先枉塞城篇何年共醉長安

市折解金龜當酒錢

送胡雪澗迎撫雲南

蘇 祐

天寒朔雪欲飛花萬里滇池去路賒擬逐東風開幕府却從北  
斗望京華伏波銅柱雲邊塞諸葛金鉅海上笳十載相知情不  
淺願君早返日南車

九日感興

蘇 祐

西風幾見菊花斑十載防秋朔塞間蘇武盡銷青海鬢班超漸  
老玉門關天涯歸計今應晚世生浮名好是閒寄與滄洲叢桂  
樹歌聲擬續小重山

冉道中

陳 策

曹州府志

卷之十九 詩

五

路繞天荒作漫遊白沙寒雨動高秋望中不見曹南景獨有青  
山近馬頭

盤庚村居有感

王崇獻

盤庚何處是家園壁上瑤琴盡日懸時較歲書占嶽雨閒持釣  
竹引畦泉浮生踪跡終塵土過眼風花只醉眠青鏡笑看雙鶴  
鬚海天雲日不知年

郊行望春

李松

驪馬青郊小雨過東風晴日轉微和  
踏拋城郭覺心爽忽訝春光到  
眼多處處好花開野鳥淒淒芳草  
匝烟波誰能載酒同高興取醉名  
園一笑歌

望嵩

李松

遙觀嵩嶽峻嶒聳碧靄蒼烟曉未收  
峯頂天門臨太室雲中仙路引浮  
邱曾聞鶴馭隨笙過漫說丹房有  
洞留塵世何時拋劫

秋日同樂孝廉東園卽事二首

何應瑞

曲檻臨清瀨長林帶夕陽荷鮮秋未老  
柰熟晚逾香杯底浮雲

垂

曹州府志卷之十九

詩

態眼前萍梗鄉共君聊盡謔真與幻俱忘

落日半城阿餘輝挂薜蘿勝遊堪共醉欲去奈君何  
爽籟因風度輕寒洩露多歸鑣夜色裏遠樹接明河

送吳對廷明府二首

何應瑞

翩翩彩筆隨風流作牧人稱郭細侯家向錢塘分玉鏡人將茆  
屋作丹邱燕關忽著猶龍色滄海誰高結蜃樓去後相思何處  
是一畦棠蔭月如鉤

千里征途去渺茫晴雲冉冉送星郎謔傳北闕頒新詔曾說南  
華是故鄉高韻不隨雙雁杳春風又見百花香并州無數思公  
子露冕何時出建章

題成孝廉山水

何應瑞

蒼苔孤城隔岸縣微茫塔影亂峯前晚來帶雨寒潮至泊盡秋  
江萬里船

秋日雨後東成釋元

楚煙

已覺涼颼爽兼茲疎雨頻剪茆恰補漏掃徑不生塵烟斂青林  
豁風含碧竹新遙知孟處士孤賞對秋旻

送蕭不二北上

楚煙

青驪一斗酒送子去京華寶劍輝方吐金鞭路正賒書窺石鼓  
篆香拂上林花御柳若相待爲言臥紫霞

送僧歸黃陂

楚煙

曹州府志

卷之十九 詩

五

水雲精舍可逃禪飛錫胡爲向楚天幾處靈峯留短偈經過古  
刹叩青蓮爲僧怪爾遊何早結社君子身未閑何物重來持贈  
我衲衣兩袖帶蒼烟

過鉅野寄田雲岳

穆光印

玉案曾投我高吟三載餘徒瞻雙雁羽未辦一函書南望吳門  
馬東尋海岱魚經行聊寄語莫謂野情疎

過獨山懷田斗岳

穆光印

昔年冰雪裏邂逅有班荆此日垂楊陌支離歎聚萍青山還未  
老白髮已先生日暮經過處懷人無限情

吾邑二首

田嶠

野名從禹貢傳在偃郡縣自秦年西行赤帝金戈入東渡皇  
人玉璽還免徑縱橫麟偃息雀城縹緲鳳踟躕登臨俯仰悲千  
古犧塚農祠並眼前

荷陽草色鹿胎青極目東看翡翠屏十數古今連秦壘兩臺南  
北出咸亭旃檀寶刹春相麗菡萏金波夜不局舊治龍山驕萬  
馬可知天上屬房星

殷聖祠

田嶠

比干祠傍北家村異草無心古木髡尼父銅盤迷近遠龍逢金  
闕亘朝昏寸丹欲吐非關剖七竅從觀祇自把民社幾更栢與  
栗依然明水薦湯孫

曹州府志卷之十九

詩

喬

題書燈

姚安

不待陽春到更深爛熳開丹心惟一點常照讀書臺

懷友

何之瑞

遙空一片白雲飛知向何方宿翠微無那臨風時悵望月明楊  
柳思依依

暮秋過陶邱

許玠

殿古丹青落臺空鳥雀鳴門前靈樹合溪上一僧行聞梵逢秋  
爽焚香坐月明誰同許元度來此學無生

送王侍講三錫出叅蜀政

文徵明

烏道噦噦萬里踪從臣分省向三巴中朝聲望雪山重內史文

章錦水華爛熳新恩著玉節依然舊樹紫薇花祇應未忘論  
趙翹首京華北斗斜

會溪詩贈扈光祿  
文徵明

每向騷壇聞大雅及觀詞藻遇於間夢中顏色空梁月天際相  
思日暮雲金馬自憐貧待韶龍山誰知醉叅軍新篇投贈千金  
重欲報瓊瑤媿不文

會溪詩贈扈光祿  
文徵明

會溪溪水玉湯湯柳色陰陰覆草堂一曲風烟足魚鳥百年高  
潔寄滄浪晴磯自得供垂釣春水還堪看去航見說主人方許  
國只應幽興未能忘

曹州府志卷之十九詩  
壹

歸濮陽  
宋登春

十載南冠學楚吟半生踪跡任浮沉秋風客路馮驩缺暮雨出  
堂叔夜琴濮上故人聞獨釣山中叢桂得相尋歸來不惜黃金  
盡易水歌殘壯士心

秋日卽事四首  
李廷相

宦思隨秋薄幽懷對酒寬晚涼貪露坐明月上闌干  
雨霽秋雲薄山空夜月孤漁舟橫渡口沙雁宿菰蒲  
黃舒籬菊淡紅墜沼荷新社日梁間燕依依別主人

風物驚森索眠遲坐數更夜深孤月沒螢火上窗明

送琴士沈克昌歸曹南  
謝天祿

老人意氣未全平長鍊悲歌竟此行四海知音須我輩幾人傾  
蓋見真情官橋疎柳高秋色客舍寒蟄半夜聲大石潭東堪寄  
傲兒孫相與事春耕

月下發曹南王五雲書索子題字兼許惠牡丹時以赴舉

苦至歷下

邢侗

言念心期灤水滄到來一扎月中披代推馬糞誰何氏身是瑯  
琊第幾枝白練肯邀題字遍名花曾許帶雲移槐黃桂子三秋  
滿遲爾風前爛熳吹

同張叔敬王五雲登鎮川樓

段懋

石鎮藤蘿繞上頭躋攀望裏思悠悠浮雲不盡長天色斜出遙  
曹州府志

卷之十九

詩

五

舍大壑秋槎對張騫堪泛斗賦同王粲好登樓平生不減疎狂  
意與爾翩翩作壯遊

秋日懷李彭年山人

國朝朱虛

四載離鄉里干戈疎比鄰文姬當入漢杜子欲歸秦荷澤三竿  
日陶邱一故人硯田耕幾許相憶富陽濱

苦蚊

朱虛

庭暉未夕落簷外聚雷聲飽去櫻桃重饑來柳絮輕持牀隨漏  
轉揮扇到天明自笑余今瘦何堪恣衆生

向雲澤自曹州以牡丹見遺賦答

陳廷敬

春風料峭幾枝斜穠豔依然帶露華牧佐舊爲芸閣吏曹南令

有洛陽花寫生銀管曾修史入席天香抵坐衙茆舍竹籬還稱  
否憑君相贈引烟霞

曹南渡河望南華山

王士禛

函關已弔予元宅鄭圃還過禦寇家問渡漆園風雨裏却臨秋  
水誦南華

紫園歌餅

王士禛

毫都柿勝紫花梅玉雪中含虎魄胎肺病欲蘇還悵望姚黃歐  
碧不同來

鄆城樊稜明侍郎敬尚書繼祖之裔善琴尤以琵琶擅名

所彈率與時異向在京師曾聽彈出塞等曲後八年舍

曹州府志

卷之十九

琴

弟帳亭過之蓬萊閣下請予爲詩因賦五絕句

王士禛

尚書門第道人裝未遣曹剛遠擅場記得長安秋日午坐中雲  
水似瀟湘

梨園弟子各矜能賀老琵琶獨擅稱但說沒師無敵手那知絕

調有樊稜

扶蘇城上月如鉤彈作征人出塞愁忽聽涼蛩和哀雁一疇心

折漢官秋

苦竹黃蘆滿目愁嘈嘈切切似江州茫茫九派多風雪憶泊滸

陽舊酒樓

萬古希聲托杳冥水仙遺操感湘靈刺船一去無消息又向蓬萊閣上聽

送魏子相庶常歸養

顏光敏

上苑花明拂玉珂魯門秋盡返巖阿  
賜衣金殿承恩重捧檄  
蓬門奈樂何壯業猶看五車在親年常愛寸陰多  
他時擬載春壺酒元伯堂中許更過

雪林書院

元楚公惟善讀書地

馮廷樞

問柳尋花野路長來探遺跡雪林傍  
衣衫苦被黃塵澆羞上先生七聘堂

定陶道中卽目

趙執信

曹州府志

卷之十九 詩

張

鈿車飛鞚亂黃塵柳拂衫襦鳥傍巾  
看盡春風眉鬢樣始憐曾有戚夫人

咏蝴蝶

李猶龍

飄颻夜幻莊周夢冷御時行列子風隊  
隊翻飛來上苑深深戲舞入花叢

集杜贈連雙衡

何 遷

海內文章伯衣冠八尺身賦詩新句穩  
對酒滿壺頻已撥形骸累常令宇宙新  
子璋才素健世業豈沉淪

子夏故里

胡惟一

石室荒烟斷井間仍在茲衣冠存後裔  
俎豆見新祠東魯彈琴

日九河擁篲時寥寥蓬戶裏歌詠動人思

張平章齊賢祠

胡惟一

懷古瞻遺廟英雄悲困窮慨慷陳大畧位望竟三公補衮皇王業籌邊鎮鎬功始知天下士半在布衣中

歲首過定陶贈潘蜀藻二首

何遠

江左文章伯服膺總角時乾坤多戰伐歲月幾遷移老大傷遲暮新交締舊知殷勤荆野話藉爾慰心期

白下知名久相逢惜別筵頌椒催折柳把袂暫停鞭天地風塵隔文章日月懸寸心託相贈無媿古人賢

雨

何遠

曹州府志

卷之十九 詩

堯

寒夜風初息沉沉細雨繁宵冥彭越墓霑灑戚姬村楮柚煨茅屋牛羊窺葦門麥秋端有望所念滯行軒

濮州道上

何遠

葭密秋林外野城烟靄前禽啼窺舊井繡錯闢新田樹歌流沙擁溪平蔓草延河渠殘碣在駐馬爲終篇

贈夏茂林兼求畫扇

何遠

握手天涯漫自悲石城秋草正離披年來魚雁風塵隔話到兵戈涕淚滋滿目雲山留筆在當時節槩有心知憑君分我閒邱壑別後登臨繫所思

秦淮春雨

何遠

山雲起畫濛濛波溢青溪幾曲迴夾岸樓臺飛燕子誰家羅綺  
下簾櫳遙聞桃葉蘭橈唱不散楊花酒旆風旅客此時心暗  
折強吟新句向吳宮

清邛烟柳

何遠

滄桑歷歷此遺邛望徧垂楊繫客愁春靄迴風迷近遠嵐光昏  
樹仔沉浮絲穿語燕深深出青拂行人款款留玉敦珠盤俱寂  
寞欲憑俯仰識千秋

送紀瑞芝還里三首

段雲襄

雪後冬仍暖寒梅破小春把杯傾白酒送客發清晨湘帙藏名  
蹟綈袍戀故人還來今有約莫厭阮生貧

曹州府志

卷之十九 詩

卒

到來當首夏歸去換冬衣送子雙河上高瞻一雁飛風塵嗟聚  
散雨雪念睽違百里元非遠招邀詎可稀  
把袂孤亭上淹留欲判年中原流白日大野起霜烟書媿籠鵝  
字囊空拄杖錢猶憑興不淺擬泛米家船

登北城

段雲襄

偶爾登臨處城高澹夕陽人家依郭小道路出關長鴉點浮烟  
樹魚珠沸雨塘官亭春色好猶憶折垂楊

贈雙河馮生

李蟠

漢代明經列上科伏中厨自歷年多文章報國心猶壯姓字驚  
人鬢已皤久向一鄉推祭酒還從斯世挽頽波蒲輪載道徵書

急大樹村中間若何

與楊振子

段雲襄

寂寥遙憶子雲居門掩秋郊定著書足不窺園春自去客能載  
酒興何如却憐紅藥凌金谷會有青藜下石渠作譜劉郎疎脫  
甚幸分花事及吾廬

九日登鳳唼山閱武臺

段雲襄

閱武臺空壓鳳皇登高風物又重陽黃花誰送尊中酒白雁新  
傳塞外霜日落平堤秋黯黯煙生遠樹晚蒼蒼漫追戲馬千年  
事今古英雄祇斷腸

兗郡與楊振子夜話

劉澄清

曹州府志卷之十九詩

空

與子閒懷抱嚴更逼夜闌露滑花氣重燼燼劍光寒事業雙蓬  
首生涯一釣竿草元應已就古調爲誰彈

遊陽山有感

張徽典

高閣挑燈處重來二月天青山如故友白髮又新年春色霑花  
雨客遊入曉烟同人今剩幾回首意茫然

登岱

張徽典

雲間縹渺一峯孤覓選言從五大夫海氣遠浮吳觀雨河聲遶  
繞魯王都千層白練分高下九點青烟辨有無不盡天風吹客  
袂此身何異在蓬壺

劉氏園亭

侯士峻

地僻無鄰共林深有鳥啼野花侵崖密池竹繞簷齊渡水孤雲  
裊登樓萬嶺低寥寥塵世隔此處是丹梯

大石峽

侯士峻

暑酷逃何處言尋石峽偏一峯真如畫羣瀨總如絃選樹看鋪  
席拂雲待醉眠此山饒異蹟多事遠求仙

漢栢

盧生甫

赤帝當陽日霜枝拔地年岱宗靈秀孕新甫鬱蔥連翠偃神壇  
百陰承御幄偏姿容金石此甲子晉唐前採食長延壽焚香即  
降仙人皇今紀歷萬古共參天

祖洲神芝

盧生甫

曹州府志

卷之十九

詩

空

祖洲環碧海異瑞產神芝元始靈根遠洪濛湛露遲餐爲青帝  
御佩向紫華垂綺里何由採秦皇空繫思百昌呈景運五采煥  
明時願作微芹獻南山上壽詩

觀城學舍文會之次日送宗正公返里

顏懋儒

公幹才名歷建安陳王傳粉對邯鄲歸來養志原非隱往事論  
交不道官芳草有心留馬去杏花欲放怯春寒文壇媿續春風  
座潦倒年來苜蓿盤

憶故園諸友

宋 稭

絡繹連舟泊柝鳴靜裏聞漁歸深巷月犬吠隔溪雲鄉味黃河  
水詩人白練裙故園多老友相憶夜初分

黃河守風

朱 稭

水逆風遲藉纜牽，潮平常愛一帆懸。  
鄉心渾似歸巢燕，行路真如上瀨船。  
滴翠光含楓樹雨，餐英涼入菊籬烟。  
虛舟觸物原無礙，且自攤書坐小年。

揚州福國和尚至范賦三詩贈行

鄭燮

不向空山臥寂寥，紅塵堆裏利竿招。  
宰官風雨朝停泊，艇子驚呼夜聽潮。  
眼底浮雲真幻化，杖頭芒屨自逍遙。  
懸知法雨無邊際，洗盡鉛華廿四橋。

范城小縣無人到，忽漫袈裟暮叩門。  
一盞寒燈供佛火，數椽茅

茨卽山村支持祖，德留清白冷落鄉園。  
愧弟昆本分鉗錘公透

曹州府志

卷之十九

詩

七

瓶更何了悟，教諸孫和尚爲鄭之祖行

